

NAFARROAKO PRESIDENTEAK UKATU EGIN DU HALA ERE PRESIO POLITIKOAK IZAN DIRENIK HIZKUNTZA POLITIKAN

Zuzendaritza gehiengoaren nahiaren aurka ari zela adierazi dute Sanzek eta Lizarbek

■ Bi agintari politikoek justifikatu egin dituzte dimisioak, Zuzendaritza ez datorrelako bat euren asmo murriztaileekin

■ Administrazioan euskararen presentzia arautzeko testua prest daukala baieztatu zuen atzo Miguel Sanzek

■ Asteartean Parlamentuko osoko bilkurak eztabaidatuko du hizkuntza politika aztertzeko PSNk egin proposamena

Alberto Barandiaran / Iruñea

MIGUEL SANZEK onartu egin zuen atzo euskararen erabilera administrazioan arautzeko bere gobernuak prestatzen ari den foru dekretua izan dela Nafarroako Hizkuntza Politikako kargu politiko guztien dimisioa eragin duena, baina ukatu egin zuen inolako presio politikorik egon denik. «Nafarroako Gobernuak ez du inolako presio politikorik egin», esan zuen Sanzek, «baina besterik da ados ez egotea Gobernuak aurrera eraman behar dituen ekimen batzuekin». «Asmo horiek ez gustatzea ulergarria da», gaineratu zuen presidentek. Sanzek berretsi zuen abertzaleak «instrumentalizatzen» ari direla gaia, eta administrazioan euskara erabat baztertzeko bere taldeak duen asmoak «parlamentuko gehiengoaren borondateari» erantzuten diola adierazi zuen.



JOXE LACALLE

Miguel Sanz Nafarroako lehendakaria eta Juan Jose Lizarbe PSNko idazkari nagusia, artxiboko irudi batean.

Laguna kontseilariak «ulertzen» du

Sanzen adierazpen hauek ez datoz bat hala ere Jesus Laguna Hezkuntza kontseilariak bezperan berri agentzia

bati eginikoekin. Perez de Viñaspre, Urroz eta Elorzen dimisioaren eskutitza jaso zuen kontseilariak ez zuen hiru zuzendarien erabakia baloratu nahi izan, baina

onartu zuen lanpostu hauek «presio handiak» egon, bazirela. Halaber, hainbat arrazoibide «ulertu» egiten zituela esan zuen Lagunak. «Azken denbora honetan Hiz-

kuntza Politikaren aurka izan diren balorazio batzuek min egin diete, uste izan dutelako zabaltzen ari zela hori barruti basatia zela, eta haiek pentsatzen dutelako

lana zintzo egin dutela». «Lana maitasunez egiten duenarentzat min egiten du», gaineratu zuen.

Atzo oraindik oihartzun handi samarra izan zuen

MIGUEL SANZ

■ ■ ■ «Euskara osagarri kultural garrantzitsua da, baina ez da hortik iragan behar, hizkuntzek ez dituztelako eskubideak»

JUAN JOSE LIZARBE

■ ■ ■ «Euskara nola defenditu behar den hitz egitean desadostasunak izan ditzakegu, eta abertzaleekin desadostasuna erabatekoa da, bistan da»

erreakzioak

Kontseilua •

«Aitor diezaiotela euskarari Nafarroako hiritar guztien ondare izaera»

► Euskararen Gizarte Erakundeek Kontseiluak deitoratu egin du Nafarroan euskara dela-eta nabari den alderdi politikoen arteko harremanen hondatzea. Halaber, tamalgarritzat jo du euskara «beste behin ere liskarbide» bihurtuta ikustea. Hizkuntza Politikarako arduradunaren dimisioa behartu dutenei jarrerak berrazter ditzatela eskatu die, eta euskara Nafarroako, Euskal Herriko eta Europa osoko hiritar guztien ondarea dela onartzeko galdagin.

EILAS •

«Jakintasuna baino gehiago, ez-jakintasuna nahiago dute»

► EILASek Nafarroako Hizkuntza Politikarako Zuzendaritzaren arduradunei elkartasuna adierazi die, eta gogor gaitzetsi du «euskara politizatzen dutenen» jarrera. Politikari horiei leporatu diete langile batzuen profesionaltasuna «zikintzea»; Nafarroako gizarteak eskatzen duenari jaramonik ez egitea; gaztelaniaz mintzatzen direnen «diskriminazio faltsua» manipulatzea; eta jakintasuna baino gehiago ezjakintasuna nahiago izatea. EILASek dimisioa aurkeztu dutenen jarrera ulertzen duela esan du.

Batzarre•

Milagros Rubio

«Kanpainarik intoleranteena ari dira bultzatzen UPN eta PSN»

► Batzarreko bozeramaileak esan du Hizkuntza Politikarako Zuzendaritzaren dimisioek garbi uzten dutela bertan lan egiteko zailtasuna. «Azkenean Sanzek eta Lizarbek egin behar dute lana euskararen alde, hainbeste arrazoigabekeriaren artean inork ezingo duelako egin. UPN eta PSN inoiz egin den kanpaina intoleranteena egiten ari dira, eta haiek dira euskara bultzatzen dugunon eta ez dutenen arteko dibortzio gero eta handiagoa eragiten ari direnak».

EAJ•

«Dimisioek kinka larrian utzi dute euskara Nafarroan»

► EAJk, ohar baten bidez, adierazi zuen dimisioek kinka larrian utzi dutela euskara Nafarroan, eta Gobernuak arazoak sortzen dituela «ez dauden tokietan». Gogoratu du Euskararen Kontseiluarekin ere antzeko egoera bizi izan zela. Gai hauei buruz beharrezko ezagutzarik ez dutenak hitz egin izanak arazoa larriagotu egin du. «Teknikariek eta hizkuntzalariak eman behar dizkiete politikariei beharrezko araudiak euskara bizi dadin eta normalizazio prozesuak aurrera egin dezan».